

# **IMAQARNILIAQ AIA - Aningaasaqarnermut Inuussutissarsionermullu Ataatsimiititaq 23-03-2026**

**Ulloq ataatsimiiffissaq** Mandag 23. marts 2026 kl. 18:30

**Ataatsimiiffissaq** Kommunalbestyrelsip ataatsimiittarfia

## **Indholdsfortegnelse**

Saqqaa.....	3
Oqaluuserisassat akuerineqarneri.....	4
Nuummi najugaqatigiiffinnik marlunnik pilersitsineq.....	6
Umiarsuarnik takornariartaatinik takornarianut akiliutinit aningaasanik agguaassineq.....	9
Lukket.....	14
Imaqarniliap akuerineqarnera.....	15

## **Punkt .: Saqqaa**

Ilaasortat:

Avaaraq S. Olsen (IA), Siulittaasoq

Uju Petersen (IA)

Poul Petersen (D)

Justus Hansen (D)

Martha Abelsen (S)

Dorthe-Marie Mogensen-Fontain (S)

Peter Davidsen (S)

### **Beslutning**

Ataatsimeeqataasut:

Uju Petersen

Arnanguak Steenholdt, Avaaraq Olsen-mut sinniisoq

Poul Petersen

Justus Hansen

Martha Abelsen

Dorthe-Marie Mogensen Fontain

Peter Davidesen

Ataatsimeeqataasinnaanani nalunaartoq:

Avaaraq Olsen

## **Punkt .: Oqaluserisassat akuerineqarneri**

### **Beslutning**

Oqaluserisassat akuersissutigineqarput.



# Punkt 1: Nuummi najugaqatigiiffinnik marlunnik pilersitsineq

## Beslutning

Inassuteqaat akuersissutigineqarpoq.

## Bilag

Suliamik saqqummiussineq ulloq 25. juuni 2024-meersoq, Nuummi najugaqatigiiffinnik sisamanik pilersitsinissaq

Allakkiaq - Suliffeqarnermut Isumaginninnermullu Ingerlatsivik

## Nuummi najugaqatigiiffinnik marlunnik pilersitsineq

Aalajangiiffigisassaq

SagsID.: EMN-2025-01231

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Isumaginninnermut Inunnullu Innarluutilinnut Ataatsimiititamit Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

1. Nuummi najugaqatigiiffinnik nutaanik marlunnik pilersitsisoqarnera akuersissutigeqqullugu
2. suliaq Kommunalbestyrelsimut akuerisassanngorlugu ingerlateqqinneqassasoq

### Suliassamik saqqummiussineq

Ulloq 25. juuni 2024, Kommunalbestyrelsimut akuersissutigineqarpoq Nuummi najugaqatigiiffinnik sisamanik nutaanik pilersitsisoqassasoq katillugit 12-inik inissalinnik. Kingorna Iserit A/S-imit saqqummiunneqarpoq, Inunnut innarluutilinnut tarnimikkullu nappaatilinnut Immikkoortortamit illu Manngua 6 pissarsiarineqarsinnaasoq. Aggustimi 2025 illup nunaminertaata inissiatut nalunaarsorneqarnera najugaqatigiiffimmu allanngortinneqarpoq, kingorna najugaqatigiiffiit Aqqusinersuaq 13 aamma Blok 9, Mannguani kattunneqarput, ulloq 5. november 2025 Isumaginninnermut Inunnullu Innarluutilinnut Ataatsimiititap aalajangiinera naapertorlugu.

Suliffeqarnermut Isumaginninnermullu Ingerlatsivimmit inassutigineqarpoq Aqqusinersuaq 13 aamma Blok 9-mi najugaqatigiiffinnik nutaanik marlunnik pilersitsisoqaqullugu. Taamaaliorneq kommunip inunnut innarluutilinnut polikkianut, sanaartugassanik pilersaarusiortneranut aamma illoqarfiit pingaarnersaannut pilersaarutaanut naapertuuppoq, tassa inuit ataasiakkaat pisariaqartitaat aallaavigalugit najugaqarfissannik naapertuuttunik neqerooruteqartoqarsinnaaneq. Najugaqatigiiffiit tassaapput kommunip inersimasunut timikkut imaluunniit tarnikkut piginnaanikillimasanut ulluunerani tapersersorneqarnernik assigiinngisitaartunik pisariaqartitsisunut neqeroorutai. Siunertaavoq innuttaasut namminneq piginnaassutsiminnik ineriartortitsinissaannut tapersersuinissaq, taakkua sapinngisamik nammineersinnaallutik inuusinnaaqullugit.

Ingerlatsivimmit inissat nutaat arfineq-pingasut pilersinneqarusupput najugaqatigiiffinni ataasiakkaani inissat sisamat agguataarlugit. Inissat innuttaasunit utaqqisut allattorsimaffianniittunit, innuttaasunit najugaqarfimmit najugaqatigiiffimmu innersuunneqaaqqittunit kiisalu innuttaasunit ulloq unnuarlu neqeroorutinit angerlartinneqaaqqittunit ulikkaarneqassapput. Pilersitsinikkut najugaqarfinnut najugaqatigiiffinnullu utaqqisut allattorsimaffiiniittunik ikilitsissasooq naatsorsuutigineqarpoq, ukiakkut 2025 taakkununga utaqqisut innuttaasut 25 aamma 11-upput.

Illut iluarsaanneqareerput aamma iserterfigineqariaannaapput najugaqarfiit Manngua 6-imi kattunnerisa kingorna. Inassuteqaat akuersissutigineqassappat Ingerlatsivik najugaqatigiiffinnik pilersitsissaaq 2026-mi februaarip ingerlanerani.

Ilanngullugu najugaqatigiiffinnut nutaanut ataasiakkaanut tamanut malittarisassat aamma suliassat neqeroorutigineqarnerannut immikkut erseqqissaatit Ingerlatsivimmit suliarineqassapput, Innarluutillit ikiorserneqartarnerat pillugu Namminersolutik Oqartussat nalunaarutaat nr. 19, 4 novembari 2019-imeersoq naapertorlugu. Malittarisassat aamma suliassat allaaserineqarnerat kingorna politikikkut suliarineqartussanngorlugit saqqummiunneqassapput.

### **Ingerlatsivimmit aningaasatigut sulisoqarnikkullu naliliinerit**

Najugaqatigiiffinnik nutaanik pilersitsineq ingerlatsinerlu maanna missingersuutaasut iluanni ingerlanneqassaaq. Aningaasaliissutit matussuserneqassapput innuttaasunut Isumaginninnermut Aqutsisoqarfiup ulloq unnuarlu angerlarsimaffiutaanni inissinneqarsimasut angerlartinnerisigut.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatiillit**

- Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-imeersoq
- Inuit Innarluutillit ikiorserneqartarnerat pillugu Namminersorlutik Oqartussat nalunaarutaat nr 19 4 november 2019-imeersoq
- Inuit innarluutillit pillugit politikki 2024-2028
- Inuit Innarluutillit pillugit immikkoortumut pilersaarut 2016-2026

### **Siusinnerusukkut aalajangiinerit**

*Isumaginninnermut Inunnullu Innarluutilinnut Ataatsimiititaq, 02.03.26:*

Inassuteqaat akuersissutigineqarpoq.

### **Ilanngussaq**

1. Suliamik saqqummiussineq ulloq 25. juuni 2024-meersoq, Nuummi najugaqatigiiffinnik sisamanik pilersitsinissaq
2. Allakkiaq - Suliffeqarnermut Isumaginninnermullu Ingerlatsivik

## **Punkt 2: Umiarsuarnik takornariartaatinik takornarianut akiliutinit aningaasanik agguaassineq**

### **Beslutning**

Ataatsimiititaliaq 500.000 kr. Inutsu Qudder pillugu pilersaarusiornermut atorneqarnissaat akuersissutigaa.

1,5 mio. kr. aningaasat sinneruttut ataatsimiititaliap tulliani ataatsimiinnerani nutaamik agguataarneqassapput.

### **Bilag**

Umiarsuarnit takornariartaatinik akitsuutit aqqutigalugit aningaasaliissutit pingaarnersiukkatut iluarsisat pillugit oqaaseqaat

## Umiarsuarnik takornariartaatinik takornarianut akiliutinit aningaasanik agguaassineq

Aaliangiiffigisassaq

SagsID.: EMN-2026-00572

Suliffeqarfimmut Kiffartuussivik – vicekommunaldirektør Marie Fleischer / MAFL

### Inassuteqaat

Suliffeqarfiup iluani Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

1. umiarsuarnit takornariartaatinik akitsuutit aqputigalugit aningaasaliissutit pingaarnersiukkatut iluarsisat pingaarnersiunerit aalajangiiffigineqartut akuersissutigineqassasoq
2. kommunalbestyrelsimut ilisimatitsissutitut ingerlateqqineqassasut

### Suliassamik saqqummiussineq

Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit pillugit Namminersornerullutik Oqartussat nalunaarutaata 2023-mi akuersissutigineqarnerata kingornatigut kommunit avatangiisinut aserfallatsaaliinermullu akitsuummik, tulannermi ataatsimi takornariartaammut ilaasumut ataatsimut annerpaamik 50 koruuninik aalajangersaanissaannut periarfissinneqarput. Taamaaliorneq umiarsualivinni imaluunniit pinngortitami tulannermi pisinnaavoq. Kommuneqarfik Sermersooq 2025-mi Nuummi, Paamiuni, Tasiilami aamma Ittoqqortoormiini ilaasumut ataatsimut 50 koruuninik akiliuteqartitsisarpoq. Namminersorlutik Oqartussat katillugit 4.500.570 kr-nik nuussinikuupput "Najukkami nunallu immikkoortuani takornariartitsisarnerup inerisarneranut matumani sumiiffimmi takornariat amerleriarnerni kinguneqaratarsinnaasut pitsaanngitsut sakkukinnerunissaat ilanngullugu".

Umiarsualivimmut ataatsimut isertitanik agguataarineq ataani takuneqarsinnaavoq:

<b>Kommuneqarfik Sermersooq.</b>	
Nuuk	2.625.000
Paamiut	850.000
Ittoqqortoormiit	125.000
Tasiilaq	900.000
Katillugit	<b>4.500.000</b>

Inuussutissarsiornermut immikkoortortamit tamakkiisumik allattorsimaffik suliarineqarpoq, aningaasat sumut atorneqarsinnaanerinik siunnersuutitalimmik taakkulu ataatsimiititamit isummerfigeqquneqarput pingaarnersioqquneqarlutillu. Tamatuma saniatigut aningaasat sumut atorneqarnissaat pillugu ataatsimiititamit nammineq siunnersuutigineqartut akuersissutigineqarsinnaapput.

### Pilersaarutinit tamakkiisumik allattorsimaffik

### Paamiut

#### *Paamiunut perusersartarfimmik ataatsimik pissarsinissaq:*

Umiarsuit takornariartaatit Paamiunut tikittartut amerliartuinnarput. 2025-mi takornariat 30.000 missaanni amerlassusillit aqquasaarsimapput, tassanilu erseqqarissumik takutinneqarpoq perusersartarfiit amigaataasut. Inuppassuit suliffeqarfiit perusersartarfiini perusersarusuttut suliffeqarfinnut inuinnarnullu qingnartarsimapput.

Aningaasat perusersartarfiup pisiarineranut, Nuummiit Paamiuliaanneranut kiisalu ikkussornissaanut atorneqassapput.

Aningaasartuutissat 475.000 kr. missaat

### Puttasut Paamiuni Ivittuunilu ikkussuunnissaat

Paamiuni puttasuleeqqinnissaq pisariaqalersimavoq. Takornariat amerlisut kiisalu Paamiuni takornarialerisut angallataatillit 5-mat aallartissimapput. Ivittuunilu taamatulli takornariartaatit amerlisimapput, taamaammat aamma Ivittuuni puttasuliisoqarnissaa kissaatigineqarpoq. Puttasut pisiarineqareerput kisiannili suli ikkussuunneqaratik.

Aningaasartuutissat. 375.000 kr kr. missaat

### Ittoqqortoormiit

Aput sisoortarneranut tunngatillugu pikkorissaaneq.

Ukiuunerani Ittoqqortoormiini aput sisoortarneranut tunngatillugu pikkorissaaneq.

Pikkorissaanissap Ittoqqortoormiini pisariaqartinneqarnera annertusiartorpoq. Sila allangoriartorerata kinguneranik aputip sisoortarneri amerliartorput. Takornariaqarnermullu inatsisip nutaap piumasarivaa isumannaallisaanerup pitsanngorsarnissaa, tamannalu takornarialerisunut piumasaqaatitut pinngorsimavoq taamaalillutik takornariat isumannaannerusumik isumagineqartassammata. Pikkorissarnerup kingunerissavaa pinngitsuuisinnaaneq, ulorianarsinnaasunik paasinninnerulerneq sumiiffimmilu upalungaarsimaneq pitsaannerusooq.

Aningaasartuutissat 125.000 kr. missaat

### Tasiilaq

Tasiilami takornarianik inuussutissarsiutigalugu angallassinermi 12 pax-imik pikkorissaaneq.

Siornatigut 12 pax-imik Tasiilarmiut pikkorissarsimasut aallakaasimanerisa kingorna ilinniarsimasunik pisariaqartitsineq pinngoqqissimavoq, imatut paasillugu, Tasiilami pikkorissarsimanermut uppersaataatillit takornarianik sullissisinnaasut amigaataalersimmata, pikkorissartoqarnissaa ujartorneqalersimalluni.

Aningaasartuutissat 650.000 kr. missaat

### Kulusuk

Kulusummi takornarianut/mittarfiup puttasuini oqquiffissamik pisariaqartitsisoqarpoq, utaqqinermi sialloraangat inuit nassataallu oqquisinnaaniassammata, pingaartumik aasaanerani Kulusuup Tasiilallu akornanni tikeraat umiatsiartartut amerligaluttuinnarmata.

Aningaasartuutissat 75.000 DKK missaat.



### Nuuk

#### *Qernertunnguit Kangerluat-ni perusersartarfik kikkut tamarmik atorsinnaasaat:*

Qernertunnguit Kangerluat perusersartarfimmik pisariaqartitsineq annertuvoq. Perusersartarfik containeriunani aaliangersimasumik toqqaveqassaaq. Suliniut siusinnerusukkut ataatsimiititaliami suliarineqarnikuuvoq, uggornaraluartumilli suli piviusunngortinneqarsimanani. Siullermik suliarineqarnerani aningaasaliissutaagaluarsimasut allamut atorneqarsimagamik.

Aningaasartuutissat.2.000.000 kr. missaat

#### *Kapisillit kangerluata qinnguani puttasuliinissaq:*

Angallateeqqat talittarfissaat puttasoq pisarineqareersimalerpoq, taannalu Kapisillit kangerluata qinnguani, Kangerlupiluup kitaatungaani, illuaqqamiit qaninnerpaamik 200 – 300 m. ungasitsigisumut ikkunneqarnissaat pilersaarutaavoq. Sumiiffiup Kangersunerup tungaanut aqqunaanut naleqquppoq. Qanittukkut Kangersunermut isikkivilimmik oqquiffiliorniussamut nunaminertamik pissarsisoqarpoq.

Aningaasartuutissat 200.000 kr. missaat

#### *Hans Egedep eqqaassutissiaanun majuartarfiliinissaq:*

Umiarsuit takornariartaatit tikerarfiisa nalaani Hans Egedep eqqaassutissiaa alakkarneqartuartarpoq. Alakkaasullu tamatigut Annaassisitta Oqaluffia saneqqullugu majuartarput, taamaanneralu ilaatigut naalagiartunut akornusersuutaallunilu puffassimaartitsinnaasarput. Aqqusineq Avannarliit aallaavigalugit majuartarfiliisoqarpat tamanna iluaqufaatissaa naatsorsuutaavoq.

Aningaasartuutissat 200.000 kr. missaat

#### *Containerit marluk perusersartarfiit ikkussornissaat:*

Containerit marluk perusersartarfiit pissarsiarineqareerput, taakkualu illoqarfiup qeqqanut (ataatsimiititaliap siusinnerusukkut siunnersuutiginiikuusaanut) ikkussorneqassapput.

Aningaasartuutissat 150.000 kr. missaat

#### *Nasinnermi qinngutit - atortulersuutit*

Nuummi nasittarfiup eqqaani immikkoortumut "pequtit" annikinnerusut, tassani nasinnermi qinngutinik ikkussisoqassaaq. Tassunga atatillugu issiavinnik, ikkussugassanik, eqqaavinnik allanillu pisisoqassaaq.

Aningaasartuutissat 25.000 kr missaat.

### Qeqertarsuatsiaat

Isikkivimmut qinngutitalimmut majuartarfiliinissaq kiisalu qinngutip ikkunnissaanut.

Aningaasartuutissat 50.000 kr. missaat

### **Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersooq 4.500.570 kr-nik Namminersorlutik Oqartussaniit pissarsivoq, taakkulu missingersuutitut ilaangillat. Taamaattumik Inuussutissarsiornermut immikkoortortaqaqarfiup aningaasaqarneranut sunniuteqassanngillat.

### **Missingersuusiornermut Naatsorsuusiornermullu Immikkoortortamit aningaasatigut nalillineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit Inatsisartut nalunaarutaat nr 81, 21 december 2023-meersoq

### **Siusinnerusukkut aalajangiinerit**

*Aningaasaqarnermut Inuussutissarsiornermullu Ataatsimiititaq, 12.03.26:*

Suliffeqarfiup iluani Kiffartuussivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. ataatsimiititaliamit aaliangerneqassasoq pilersaarutit pingaarnersiorneqarneri qanoq tulleriissaarneqassanersut tassunga ilanngullugu ataatsimiititap nammineq pilersaarutigisat suliarineqarnissaanut aalajangiisinnaaneranut periarfissaq.
2. pingaarnersiuerit aalajangiiffigineqartut kommunalbestyrelsimut ilisimatitsissutitut ingerlateqqinneqassasut

Inassuteqaat akuersissutigineqarpoq. Nuuk-mi Qernertunnguit Kangerluanni pisortat atugassaannik perusersartarfiornissamut aningaasaliissutit anartarfiit pillugit pilersaarummit aningaasalersorneqassapput.

Ingerlatsivik qinnuigineqarpoq 2 mio. kr.-t atorneqarnissaannut nutaanik tulleriiaarinermik saqqummiusseqqullugu, matumani aamma Ittoqqortoormiini atorneqarsinnaasut ilanngullugit.

### **Ilanngussaq**

1. Umiarsuarnit takornariartaatinit akitsuutit aqqutigalugit aningaasaliissutit pingaarnersiukkatut iluarsisat pillugit oqaaseqaat

## **Punkt 3: Lukket**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 15:30

